

同安縣志卷之十九

名宦

國家澄叙官方首重吏治而牧民之官尤加意
諄勉以其於民最親而治忽為易致也同自朱
子為簿政脩職舉循聲懋著後之涖茲土者景
仰遺徽咸砥廉隅以期無忝厥職欣逢

盛世吏治蒸蒸邁於前古是誠史稱居則民富去
則民思者也志名宦

名宦

同安縣志

卷之十九

名宦

黃琮

羅烈

陳朱霖

石懿

朱熹

方士端

蕭里

毛當時

馬哈謀沙

孔公俊

時執亮

王琬

劉性同

章文

何文宣

朱徽

劉陶器

張遜

張伋

龍越

趙汝弼

邵旭

葉允昌

袁衫

郭山

王仲玉

彭士卓

李時芳

譚維鼎

胡文宗

鄧一相

萬善

王仁

陸佶

陸佺

徐待

同安縣志

卷之十九

名宦

二

鄭燿

曾如海

林叢

洪世俊

謝與源

王世德

姚全

李春開

劉章

歐陽祐

黃文星

徐應秋

李燦然

曹履泰

熊汝霖

黃允芳

楊芳聲

朱奇珍

宋

黃琮字子方莆田人元符三年以進上知縣事清操
不渝有惠政民生祠之與陳麟翁谷號三循吏又
祀名宦

羅烈字子剛長汀人建炎二年進士授縣尉寇楊勅
自劔州趨泉烈部兵扞捕邑時無恐再調興寧亦
有禦賊功終知廬陵縣烈喜著述有博文新說十
卷古文類證數萬言註杜甫詩事類千餘條行於
同安縣志

卷之十九

名宦

三

世

陳宋霖字元雱一字元滂長樂人紹興二十一年合
朱文公為簿每日相與切磋講明經義為政廉平
後陞秘監

石敦字子重臨海人第進士紹興中由桂陽主簿來
同為丞時天旱民饑縣白府請蠲租太守怒檄敦
杖其主吏敦上記大守曰杖一吏細事耳然所係
則大民今皇皇無以為命縱不能救忍箱其口乎
守怒未已遣幕官往案驗至則希守意以為不

蠲蠶爭益力部使者聞之因以委諮既行視歸卽揭榜諭民蠲之什九且亟召鄉吏閉廨申使鄉爲一榜戶列所蠲與其當輸之數既成立授里胥使走揭其所矯曰上官意也邑人德之諮與朱文公友善歿爲銘其墓祀名宦

朱熹字仲晦婺源人後居崇安紹興戊辰進士二十三年任主簿涖官以教養爲先務革弊興利緩急有序事無大小必親裁決賦稅簿籍逐日點對以防吏弊利於民者雖勞不憚民欲爲僧尼者禁之

同安縣志

卷之十九

名宦

四

選秀民充弟子員一時從學者衆建經史閣作教思堂訪求名士徐應中王賓等以爲表率日與講論正學規矩甚嚴五載秩滿士思其教民思其惠至今以斯邑爲過化之地其作述政績之詳具載於大同集立祠在學宮之東配以許升王力行呂大奎邱葵林希元五子又祀名宦

方士端字德明莆田人以授室宗邸補登仕郎試吏部復授右建功郎紹興中調主簿代朱文公文公文才之揮尉得盜當受賞棄不肯顧其節槩如此後

遷知福清縣卒文公爲銘其墓祀名宦

蕭里字元舉龍溪人力行好古以周禮名家登慶元

二年第調縣尉一介不取當時有嗜學如饑赴義

如渴之稱祀名宦

毛當時嘉定閒知縣事有惠政修明朱子之教專祠

以祀之其事多取法焉祀名宦

元

馬哈謀沙字端甫阿魯溫人至正十五年任同安達

魯花赤先是安溪會寇攻破縣城哈謀沙至以石

同安縣志

卷之十九

名宦

五

修砌十六年春寇再攻西門復分三屯以拒之賊

眾潰去泉之伊守禮嘯聚攻郡城遣徒脅邑起兵

以從哈謀沙仗義執言梟逆黨十餘人於市決旬

而賊大率眾來復讐力戰走之擢本府判官民赴

藩聞舉留後新公廨復學舍葺郵傳舊廢畢興祀

名宦

孔公俊字師道孔子五十三世孫至正閒縣尹建大

同書院於學宮之東以祀紫陽先生涖任有政績

祀名宦

明

時執亮東平州人洪武四年由儒士宰同廉察公勤以禮讓導民不事刑罰民宜而安之祀名宦

王琬華亭人永樂十八年由監生知縣事下士愛民不避權勢陞通州知州祀名宦

劉性同麗水人永樂中由進士知縣事有政績去後民猶思之陞河南副使祀名宦

章文仁和人宣德元年由舉人任訓導為人持重不苟教士以身先之課文崇典則抑浮靡後累官南

同安縣志

卷之十九

名宦

六

京禮部尚書兼太常寺卿祀名宦

何文宣興寧人由吏員正統九年為丞有清操為政一以慈愛為本民稱其賢祀名宦

朱徽新城人正統中由舉人為令慈祥愷惻以愛民為先務有循聲祀名宦

劉珣器永新人天順閒以才德舉任縣丞時邑學久

廢珣器適因公至省貸金市木浮海而還仍勸邑人義助凡堂廡等皆重建之易木以石廓隘為傲巽尊之屬悉鑄以銅竹籩木豆飾以丹漆以至學

官廨宇諸生號舍饌堂庖庫藏器之所靡不畢備其餘邑中建置經畫多出其手祀名宦

張遜字時敏無錫人舉人成化九年來任知縣興學校潔己愛民刑清政舉輯縣志重建大同書院嘗爲扁揭中堂題曰民不畏吾嚴而畏吾廉不服吾能而服吾公公則能生明廉則民不擾擢知福寧州百姓遮道攀留有十數父老齋全數勛爲儘不受送至三山復峻卻之邑人爲立卻金亭於榕溪之上勒碑其下都御史傅鎮有記祀名宦

同安縣志

卷之十九

名宦

七

張伋諸暨人成化十五年知縣存心愛民政簡刑清而事畢辦當道廉其循良將疏薦之卒於官民爲立碑以寄思慕祀名宦

龍越廬陵人由進士宏治九年任知縣爲政能持平得大體恤民簡役邑人愛戴勿諉祀名宦

趙女弼新會人爲白沙陳獻章高弟由舉人正德十三年任知縣邑創殘凋敝幾不能生至則教養生息興利除害薄賦寬輸鋤奸抑豪振風易俗勸學右文村私謁卻苞苴聽訟平允庭無冤獄境內向

多伏莽汝弼深惟患本恤其不得已者憫其陷於
不知者廉其跳躅不率者嚴加懲劓不旬月幡然
更新閭閻安堵先是歲洊饑自汝弼至雨暘時若
歲以屢豐郊原有一莖數穗之瑞其曰二氣三光
四時五行皆以其穗數名之總鎮羅公舉行旌典
以汝弼爲賢能之冠首致禮幣焉

邵旭仁和人由監生嘉靖二年任知縣於民系毫無
所取政尚寬和而斷決仍明敏無滯祀名宦

葉允昌字順德號後林慈谿人嘉靖十三年知縣邑

同安縣志

卷之十九

名宦

八

西有西安橋護闌閒地梁石中折勢不久支允昌
捐資募役治其傾壞不旬月竣工行人利賴又修
建啓聖鄉賢名宦各祠城郭山川井野市里原蕪
渠麓利罔不興邑人許福作重修西安橋記旣去
民尤思之

袁杉號芳洲揚州人舉人嘉靖二十一年知縣秉道
守禮無所文飾其治民不動聲色務爲馴擾愷悌
忠篤甫六月民歌頌徧城鄉巡按徐南湖獎之曰
惟爾同教行奸戢獄訟弗繁長吏惟爾有勳余余

乃德嘉乃丕績亦以爲閩著令云

郭山號景崖嘉定人舉人嘉靖二十二年知縣天性篤孝動循禮法涖縣事以不肯折腰取噴當道一無所動而質任誠信卒以取譽時方嘉其古誼爭效慕之會以憂去百姓攀轅者甚衆祀名宦

王仲玉號青岡安福人舉人嘉靖二十五年知縣下車值天旱祈雨輒應首詢民瘼苦莫如盜於是嚴封城謹烽堠戒保伍飭材官修器械值海寇攻南安轉安溪越入同安境內之人各舉其職用是豺

同安縣志

卷之十九

名宦

九

狼遁散閭閻獲安撫按移檄交獎之其爲政廉勤自持忠厚恤物芟煩剔蠹吏民畏服以疾去祀名宦

彭士卓號石坡番禺人舉人嘉靖二十八年知縣下車採風問俗首以孝弟教民凡博奕聲伎屠牛及居喪用浮屠諸舊習悉嚴痛治之旣乃加意休養催科從緩鮮額外無名之征用度有經無犯禮傷財之患大小之獄必盡其情有干法者不少假借請托不行苞苴不入不徇里正之私懸榜示禁知

吏能爲奸始漸遠而終絕之尤加意學校作興入才文士彬彬庚戌夏秋兩次遇旱士卓率諸生吏民竭誠祈禱皆不踰日而應民咸尸祝之

李時芳號新溪廣西人嘉靖三十七年以興化同知攝知縣春三月倭寇數千攻城率士民分堞而守晝夜巡督殺賊賊始引去數萬生靈獲全夏五月賊復來攻淫雨經旬不止城垣崩塌多處或十丈或二十丈民命危於累卵時芳募諸澳之兵以身率之晝夜防守夜雨如注張蓋臨城當矢石之衝

同安縣志

卷之十九

名宦

十

以身爲捍蔽民復賴以生全其勞與功視三月尤甚賊旣退諸生以前官因賊改築城垣儒學櫺星二門因之逼斗形家所忌議將城垣拓啓五十丈深二丈時芳捐俸爲倡不數月而告成功同人謂禦寇以衛民改城以興學其功鉅爲文紀之先是時芳攝惠安能爲民禦災捍患惠民思其澤亦紀績焉

譚維鼎字朝鉉號瓶臺新會人舉人嘉靖三十七年知縣下車周詢民隱平賦稅審徭役均勞逸節財

用凡可致民康乂者殫力爲之尤加意學校朔望
與諸生講論多所發明四時攷校差等第以示激
勸獄大小必盡情吏不得高下其手時倭寇充斥
告當路請援兵修城池簡軍實多方捍禦擒倭酋
阿士機等於浯洲招撫林三顯藉其策破楊三擒
黃大壯追鄭大果王子琪於安溪馘之致馬三岱
於庭下值賊攻南關以兵授岱立解其圍劇寇數
萬一朝效順邑藉以安庚申夏旱齋戒沐浴率屬
虔禱澍雨叠沛四郊沾足歲以大豐陞本府同知

同安縣志

卷之十九

名宦

十一

歷廣西僉事

胡文宗廬陵人舉人嘉靖閒由府佐署縣篆最久性
古淡學問操履爲時所推涖官止攜一僕奉身之
物雖寒士不能堪而處之裕如也同人有甘棠之
思

鄧一相號宜亭豐城人進士嘉靖中知縣淳厚端潔
人不得干有訟至庭輒誠勸而理遣之逋賦者諭
以義皆欣然樂輸邑被倭後財力凋疲極意培養
閔貧士單寒清復溪壩南橋邸稅爲勢家所有者

半代酌權之需半充學租以惠士凡急難婚喪皆取資焉復以端士習育人材爲已任擢廬州同知萬善號壇溪南昌人由諸生卒業成均嘉靖閒任縣丞小心敬畏毫不苟取亦不稍爲瞻徇署邑篆催徵錢穀常數之外無淫取聽斷獄訟得情之中常哀矜羣下爲奸稍覺輒窮治無所貸人多畏避鮮犯者擢山東寧海州判去

王仁上虞人正德閒任訓導性夷曠不屑勢利對諸生必以古人相策勵有所贈遺則市酒飲之酣歌

同安縣志

卷之十九

名宦

十一

終日錙銖不入於室祀名宦

陸信鄞縣人正德閒舉人初爲南京刑部司務謫教諭律身以正教導有方凝重老成絕去矜浮之習同士敬而慕之陞鄒縣令去祀名宦

陸挺號北城鄞縣人嘉靖閒任教諭文學該博所著宋元史發微天文地理諸書皆前人所未發本其所學以立教而以身先之科條不繁矩度自立學者靡然向風擢漳州府教授遷南京國子監學錄林希元爲文送之

徐待郵縣人由進士萬歷閒知縣事有氣度能愛民如子於文學之士尤優禮焉以循聲擢御史

鄭燿號拙我閩縣人萬歷乙酉舉人二十年任教諭不取貧士贄餽朔望集有文行者身與角藝分其甲乙所取文平易爾雅民有與士訟者往時學博多以此獵賄不則祖民而懲士燿悉諭而遣之民亦感悟不復訟秩滿遷峽江知縣

曾如海臨川人萬歷壬辰進士二十二年知縣意念端而操履嚴力鋤賭盜盡革苞苴兩造在庭平心

同安縣志

卷之十九

名宦

三

質問片言剖析民自以平而不冤遇旱步赤日拜泥塗中爲民請命緩推科弛敲扑捐俸以爲賑貸計復繕葺城垣以嚴干楨有備無患浹歲卒於官蕭然囊橐臨易簣猶不妄用一印百姓哀而思之
祀名宦

林叢字廷桂號萬峯福寧州人萬歷二十四年任訓導忠厚明廉有一生素未面其族人與訟產而讎以不肖行叢曰誑也曖昧事豈可妄指且何不揭於未構訟之先力白之得釋歲饑邑令移委分賑

嘉禾里託宿神祠不煩里保一供或倉卒不能具
釜鬻廢冷者再每詣鄉村必覈應賑者主名召里
保矢之曰若有虛冒明神極之言畢而覬冒者相
顧散去實惠均沾值大計邑令以下俱赴省留叢
司管鑰民有因奸謀殺其夫者訊供得其情令取
保覓屍諭之曰汝實戎首法網豈能漏哉已而犯
皆自縊人謂片語嚴於斧鉞所居廨傾圯不任風
雨每飄驟蒙衣起坐諸生醵金謀葺治辭不應歲
餘益不支割俸鳩工諸生爭助灰瓦木石不能止

同安縣志

卷之十九

名宦

古

也每勸諸生以敦本勵行爲先曰士跡馳鮮修卽
擄藻如春花去聖賢萬里矣聞者竦然感奮丁丙
艱行橐蕭然諸生爲祈卹於上官方得歸蔡獻臣
爲訓同記勒於石

洪世俊字用章號含初歛縣人萬歷乙未進士二十
五年知縣下車察民利病銳意興除吏畏之如負
霜民懷之如挾纊賦稅按額徵輸不責浮羨訟牘
據情剖決兩造厭服獨治猾與盜最嚴曰是戕吾
赤子者樗蒲椎牛之禁三尺無佚謂厲耕教惰且

爲盜階自是敗類者端端自遠會礦稅議與中官
四出責礦則曰同故無礦也責稅則曰民貧安取
權哉既力爭不免則請受稅額而官輸之無任惡
少年包收倍取竟得輸課無缺民不知權雨賜祈
禱輒應辛丑早步行烈日中往返數十里以雩澍
雨大沛搜廢觀田二百餘畝歸租於學以贍士復
用彤家言以學宮之前文峯不卓建塔城東南隅
鳳山之巔於是弦誦益廣文學斌斌明年許獬遂
魁會闈在任六年愷悌根心待赤子惻然如傷其
強有力侮平民者毫不少貸丁父艱歸後爲本省
叅政歷官太常寺卿既去之明年民建祠祀之同
邑長有祠自世俊始

同安縣志

卷之十九

名宦

五

謝與源號淦川泗洲貢生萬歷二十六年任主簿獻
決若老吏凡上官所移獄小大必以情卽山陬海
澨之畫界田畝尺地之紛拏不憚險遠必躬履而
質之一切請託無所徇奉檄給軍需出其不意核
虛冒若干人以報出納一清主者以例請叱去之
捕務劇而叢嫌謗向有詭得爲利者與源獨避之

若浼曰吾不任迎送役也奉委修城經畫有方直指新會何公察其廉能以詩獎之

王世德永康人進士萬歷三十年知縣臨事屹然如山雖貴勢不能撓戴星而理賦無宿逋獄無滯案近習畏威豪右惕法值中官權估奸徒乘閒投之爲窟穴稅額視他邑獨夥世德嚴持三尺於是羣奸屏跡境內晏如未三載調知閩縣耆老紳士歌頌之章積牘盈尺晉江黃鳳翔錄而序之

姚全號敬菴湖廣人萬歷三十年任教諭待士不以

同安縣志

卷之十九

名宦

十六

類晦疎數而有異約之使範于軌不如約者召而切責之其閑於禮法者色笑誘掖如坐春風中贊餽一無所問空刺報謁欣然也嘗作海防議切中窳要可見施行

李春開字晦美號青岱廣昌人萬歷丁酉舉人三十七年知縣稽古好文重修文公書院清復銅魚修葺城堞盜賊斂迹囹圄空虛民苦糧累爲減梵天奇江之加增民苦代勞邑輸爲停嘉禾之倉穀先是稅璫方興同安額派八十緡而奸民蔡德卨等

投監充牙因緣爲市復加舊額之半增四十緡於
是公稅一私稅十舊者剗肉新者椎髓商民交困
嗣晉江安溪額外之稅已蠲而同稅如故春開閭
民疾苦曰是負戴販鬻者獨匪民哉會直指陸夢
祖行部至同鋪民奔訴縣庭求申春開遂援例力
請罷之得報可而撫軍猶以額故難之下藩司議
事幾格而邑民劉某吳某葉某復以官牙奉藩司
得輸稅充餉商民皇皇直指採緝紳言檄縣而詞
加峻春開乃獲以地稅香資議抵及正諸官牙罪
去益思其德卽亭前爲祠設位祀焉

同安縣志

卷之十九

名宦

七

而加稅始得盡蠲撫軍亦遂報允商民歡聲雷動
勒碑溪南以紀之後以察謝官遂不復出先是辛
亥秋春開禱雨應時民建亭於邑東顏曰喜雨及
劉章號起田陸川人由歲貢萬歷三十七年任訓導
待士寬嚴得體處寮案不自見長諸生有訟久不
決者得其片語立平擢藍山教諭去蔡獻臣序以
送之

歐陽祐號武潭泰和人萬歷三十八年由上舍生任

縣丞坦衷實行涖民恕而律已嚴有不直者薄笞示儆不苛責所過鷄犬無警居五年事理民懷市井小偷每發輒得上官數嘉獎之陞布政司都事民勒碑以紀其政

真文星字鮮生潛山人進士萬歷四十一年知縣冲夷不競俸入之外未嘗苟取一錢邑被水田荒饑民載道殍者相屬文星出俸賑之死者給樽聽訟平情察理不取贖鍰民爲感化訟牘以少尤加意作人學租給發以時工有被冤者必爲白之校十

同安縣志

卷之十九

名宦

六

尤多藻鑑

徐應秋字君義號雲林西安人萬歷丙辰進士四十四年知縣下車見學宮廢陞捐俸修之邑人蔡復一爲之記其爲政御下寬愛民切課士勤苞苴絕於廛予諸絕於室欺蔽絕於左右政成民服調任莆田同安民跋涉千餘里詣巡按乞留上官爲動而部移已不及追去而民思之

李燦然字伯暎號任明縉雲人進士萬歷四十八年知縣識定才敏凡讞獄之隱微風教之大關錢穀

之解徵壇廟之修建殫精釐蠹犁然具舉值紅夷竊窺邑治戒嚴乃調募水陸兵士支給軍需置炮臺備火器出國廩以賑窮民倉卒立辦於是夷舟遠遁而災民亦免阽危刻有吏牘蔡獻臣爲之序秩滿內陞同民祀之名宦

曹履泰號方城海鹽人天啓元年乙丑進士來同爲令邑稍饑饉卽停征甘於考拙旱則蔬食步禱時海寇鄭芝龍劫衆出沒海島中履泰嚴保甲練鄉勇諭民以自衛有暴子弟從賊者按實立置之法

同安縣志

卷之十九

名宦

十九

招撫義起未幾芝龍就撫同黨李魁奇挾鍾斌以叛履泰乃陰攜其黨不數日魁奇就擒斌投水死上官倚履泰爲重白礁鄉有水涵溉田數頃爲豪家所壅民苦偏枯爲均畫而疏通之同井普遍中左所遠居海上寇嘗火其舟民爭圖取舟備戰艦又見商舟至則留之給直無時商人以爲苦貨海者以粟及夷寶至豪悍藉稅公家稅且倍蓰民爲賊掠者卒得之反以爲俘冒邀功履泰命解商舟禁私稅釋良民由是商民俱賴之邑城及中左

所俱勒石紀德旋擢吏科給事中履泰以芝龍雖
就撫性反覆終爲害乃疏論曰長勝之算在於自
強不拔之業存乎根本烏附可攻毒而續命必藉
參苓針砭可偶試而養生必資五穀間之用芝龍
烏附也偶試之針砭也選將練兵舉賢治賦參苓
五穀也不此務而任一芝龍恐終無平治之日疏
奏帝嘉納焉又會浙東西旱大吏不聞上書直言
復承閒言戚畹不宜與政直聲益震卒罷歸子元
方崇禎癸未進士知常熟縣孫三德 國朝康熙

同安縣志

卷之十九

名宦

二十

庚辰進士曾孫璉辛卯舉人

熊汝霖字夢澤號兩殷餘姚人崇禎辛未進士任知

縣才高識明凡事與人一經目雖逾歲月不忘編

審賦籍綱舉目張里甲稱平徵比有定限而寬閒

其期鄉民稱貸樂輸不事敲撲訟有願解者聽而

事關重大必須問斷者舉筆立讞兩造成服邑西

有西安橋長千餘尺癸酉冬橋西火延民舍數十

家石洞燬折其七乃捐俸百金倡募紳士人民伐

石鳩工委邑丞吳綸程工未幾告成人誦其德勒

石紀之浯洲嘉禾烈嶼諸島及高浦鼎美去縣遠
遠值紅夷劉寇交警陵風冒及率鄉勇突擊之各
遠遁屏跡咸稱爲文武兼才計薦擢吏科給事越
三載士民建祠東郊祀之勒石爲記後以東閣大
學士從魯王至廈島爲鄭彩所害並其幼子投海
中

國朝

黃允芳甌寧人由舉人康熙十七年任教諭時海警
未靖兵馬以澤宮爲駢所允芳自捐工費蓋造營

同安縣志

卷之十九

名宦

三

房通詳上憲檄移 文廟一清所著有河洛解蓋
子或問陞武清知縣

楊芳聲宣府萬全左衛人康熙二十二年由歲貢知
縣事禮士愛民下車值天旱苗槁芳聲跣足禱乞
甘霖立沛時當平臺之後徭役頗多而措置得宜
改任鳳山旋擢主事

米奇珍字平齋號慕亭長沙人康熙五十一年由丙
子舉人知縣事清白自矢秉正不阿催科有法城
火耗葺陋規清查米額不致混累詳陳積穀應分

屯分賑以便民治囹圄令男女別處命案干涉者
訊明卽釋不致株連年餘告養歸

唐孝本武進人康熙庚子舉人雍正九年知縣丁外
艱十三年再任建縣署義學清學租爲諸生膏火
復建朝元門築南門外東西二溪堤岸休障民居
至今賴之先於雍正七年知晉江縣捐買東嶽廟
口塚地一所給貧民埋葬立碑以記後因名爲唐
厝埔

